

NguMongameli Dieter F. Uchtdorf
Ikhangela Lesibili KubuMongameli Bokuqala



IsiVuno sikaNkulunkulu

Umfazi obizwa ngoChrista wayesebenzela inkampani yezimbewu encane. Wayewuthanda umsebenzi wa-khe. Kwakungumsuka wento eyisimanga kakhulu kuye ukuthi imbewu encane ngayinye ayeyithengisa yayanamandla okuzishintsha ibe yinto emangazayo kakhulu — ukherothi, iklabishi, noma isihlahla esinamandla se-okhi.

UChrista wayethanda ukuhlala kwikhompyutha yakhe ethatha ama-oda futhi aphendule nemibuzo. Kodwa ngelinye ilanga wathola umkhalazo owaba yindida kuyena.

“Lezimbewu azisebenzi,” kwasho umthengi. “Ngizithe-nge ezinyangeni ezimbili ezedlule kodwa namanje lutho.”

“Uzitshale emhlabathini omuhle futhi wazinikeza amanzi kanye nelanga okwanele?” Kwabuza uChrista.

“Cha, kodwa ngenze umsebenzi wami,” kwaphendula umthengi. “Ngithenge izimbewu. Ngaphezulu kwalokho ke *zinesiqinisekiso* sokuthi zizokhula.”

“Kodwa awuzitshalanga?”

“Haaibo cha. Lokho kungasho ukuthi ngizongcolisa izandla zami.”

UChrista wacabanga ngalokhu futhi wathatha isinqumo sokuthi iziyalo zokutshala kuzofanele zibhalwe. Wathatha isinqumo sokuthi isiyalo sokuqala sasizoba ngukuthi: “Kufanele uyilandele lemiyalelo ukuze izimbewu zimile. Ngeke uzishiye eshelufini bese ulindela ukuthi zikhule.”

Akubanga kude ngaphambi kokuthi omunye umkhala zo ube yindida kuye.

“Lezi zimbewu azitheli,” umthengi wakhalaza

“Uzitshale emhlabathini omuhle?” UChrista wamphe-nacula. “Uzinikeze amanzi nelanga okwanele?”

“Yebo kunjalo,” umthengi wagcizelela. “Ngikwenze konke lokho – njengoba kusho ephaketheni. Kodwa azisebenzi.”

“Akukho nhlobo okwenzekile? Zimilile?”

“Akwenzekanga lutho,” kwasho umthengi. “Ngizi-thale njengoba kuyaleliwe. Bengithemba ukuthi ngingoba notamatisi ngesikhathi sesidlo sasebusuku. Manje sengidumele.”

“Ima,” uChrista waphendula. “Ungitshela ukuthi uzi-tshale namuhla lezi zimbewu?”

“Ungazohlekisa,” kwaphendula umthengi. “Ngizitshale evikini eledlule. Bengingalindele ukubona utamatisi nge-langa lokuqala; ngabekezelu. Ngikuxoxele, kube khona ukucheleta nokulinda okuningi phakathi kwaleso sikhathi namanje.”

UChrista wabona ukuthi kuzofanele afake omunye umgomgo: “Lezi zimbewu zilandela imithetho yesayensi lokuphilayo. Uma utshala izimbewu namhlanje ekuseni bese ulindela ukudla utamatisi ekupheleni kweviki, uzodumala. Kufanele ubekezele futhi ulindele umsebenzi wendalo ukuba uzembule phambi kwakho.”

Konke kwahamba kahle kwaze kwaba wukuthi uChrista uthola omunye umkhala zo.

“Ngidumele kakhulu ngezimbewu zakho,” waqala umthengi. “Ngizitshale njengoba kusho iphakethe. Ngazipha

amanzi, ngenza isiqiniseko sokuthi zithola ilanga, futhi ngalinda zaze zathela isivuno sazo.”

“Kuzwakala ngathi yonke into uyenze ngokufanelekile,” Kwasho uChrista

“Kuzwakala kahle kona.” Kwaphendula umthengi. “Kodwa engikutholile yizukhini!”

“Amapheda ami abonisa ukuthi yizo lezo izimbewu ozi-odile,” kwasho uChrista.

“Kodwa angiyifuni izukhini ngifuna amathanga!”

“Uyangidida manje.”

“Izimbewu ngizitshale esiqithini sami samathanga—em-hlabathini ofanayo owathela amathanga ngonyaka odlule. Ngazincoma izitshalo zami mihla yonke, ngizitshela ukuthi zizoba ngamathanga amahle kakhulu ngelinye ilanga. Kodwa kunokuthi ngithole amathanga amakhulu, ayindingili, a-orenji ngombala, ngithole omude, oluhlaza ngombala uzukhini. Omningi kakhulu!”

UChrista wazi ngaleso sikhathi ukuthi imiyalo kwakungenzeka ukuba ayanele futhi kwakudingeka ukuba kubekwe umgomo: “Imbewu oyitshalayo nesikhathi otshala ngaso kucacisa isivuno.”

Umthetho wesivuno

UmPhostoli uPawulu wafundisa ngesivuno sikaNkulunkulu:

“Ningaduki; uNkulunkulu akahlekwa. Ngokuba lokho akuhlwanyelayo umuntu, lokho wokuvuna.

“Ngokuba ohlwanyelela inyama yakhe uyakuvuna ukubhubha kuyo inyama; kepha ohlwanyelela uMoya uyaku-vuna ukuphila okuphakade kuMoya.

“Kepha masingakhathali ekwenzeni okuhle, ngokuba siyakuvuna ngesikhathi esifaneleyo, uma singadangali” (Galathiya 6:7–9).

Esikhathini samanje, iNkosi isinikeze ukuhlakanipha nokubona okwengeziwe maqondana nalomthetho ongeke washintsha:

“Kunomthetho, ongeke washintsha onikezwe ezulwini ngaphambi kokubekwa kwesiseko salomhlaba, lapho zonke izibusiso zibekwe khona. —

“Futhi uma sithola noma esiphi isibusiso esivela kuNkulunkulu, siza ngokulandela loyo mthetho ohlelwe lapho leso sibusiso sibekwe khona” (D&C 130:20–21).

Esikutshalayo, siyakuvuna.

Isivuno sikaNkulunkulu sinodumo oluyisimangaliso. Kulabo abamhoniphayo Yena, eZakhe izibuziso ezingabala ziza “ngesilinganiso esihle, ziggishiwe, futhi zixukuzwe kanye kanye, futhi zichichima. . . . Ngokuba ngesilinganiso enilinganisa ngaso nani niyakulinganiselwa ngaso” (uLuka 6:38).

Njengoba izimbewu zasemhlabeni zidinga umsebenzi kanye nokubekezelwa, kukanjalo nangezibusiso eziningi zasezulwini. Ngeke sibeke inkolo yethu eshelufini bese silindela ukuthi sivune izibusiso zomoya. Kodwa uma sitshala futhi sinakekela imigomo yevangeli empilweni yansuku zonke yomndeni wethu, kunamathuba amanangi wokuthi izingane zethu zizokhula zithele izithelo zomoya ezibaluleke kakhulu kuzo kanye nezizukulwane ezizayo.

Izimpendulo zikaNkulunkulu zemithandazo yethu azizi ngokushesha—ngesinye isikhathi azibonakali nhlobo ukuthi ziyeza—kodwa uNkulunkulu uyazi okufanele abantwana Bakhe. Siqiniseke, ngelinye ilanga sizobona kangcono; futhi ngalelo langa sizokubona ukulunga kanye nobubanzi bezulu.

Owkamanje, injongo kanye nenjabulo enkulu yethu ukuhamba ezinyathelweni zeNkosi kanye noMsindisi kanye nokuphila izimpilo ezilungile nezisefekile ukuze isivuno esithenjisiwe nesiligugu sikaNkulunkulu sezibusiso ezingenantengo sizoba ngesethu.

Esikutshalayo, siyakuvuna.

Yilowo umthetho wasezulwini.

Yilowo umthetho wesivuno sikaNkulunkulu.

UKUFUNDISA OKUVELA KUOLMLAYEZO

Xoxa nalabo obavakashelayo ukuthi umthetho wesivuno sikaNkulunkulu usebenza kanjani kubudlelwane bethu, ekuguqukeni nobufakazi, noma ezinjongweni zomsebenzi kanye nemfundo yethu. Ungafunda futhi ucabange imibhalo engcwele ehambisana nalomthetho, njengakwlzaga 11:18; 2 Abasekorinte 9:6; futhi naku-Alima 32. Bakhuthaze ukuthi babheke izinjongo zabo ezedlule futhi babeke izinjongo ezintsha ezinemiphumela elungileyo. Basize bakhe uhlelo oluzobasiza ukuthi benze izinto ezizobafinyelelisa kwizinjongo zabo zesikhathi eside.

Hlela isiVuno Sakho

Umthetho kaNkulunkulu wokuvuna ukuthi uma sifuna okuthile phambilini, kufanele sikusebenzele manje. Uma sifuna ukukhulisa ingadi, kufanele sitshale izimbewu, sizichelele, futhi sizivikele okhulini. Uma singakwenzi lokhu, ngeke sikhazi ukuvuna kusasa.

Ngezansi kunohlu "Iwezithelo" ezinhle ongazifunela zona empilweni yakho. Bhala phansi ezinye zezinto ongazenza kulenya ukuthi uthole lezi zibusiso.

- Ikhaya elithokozile
- Imfundo
- Abangani abalungile
- Ukubhabhadiswa nokuQiniswa
- Ubufakazi bukajesu Kristu

© 2014 by Intellectual Reserve, Inc. All rights reserved. Printed in USA.
Isingisi esivunyelwe: 6/14. Ukuhumusha okuvunyiwe: 6/14. Ukuhumushwa ko *First Presidency Message, August 2014*. Zulu. 10868 783



Umsebenzi Ongcwele kaJesu Kristu: uMesiya

Ngomkhuleko funda lombhalo futhi ufunе ukwazi ngalokho ongabelana ngakho. Ukuzwisa impilo kanye nomsebenzi woMsindisi kuzakhulisa kanjani ukholo lwakho kuYena futhi kubusise kanjani labo obaqaphile ngokufundisa ngokuvakasha. Ukuthola ulwazi oluningi ngalokhu, iya ku reliefsoctety.lds.org.

Lena ingxene yemilayezo elandelanayo yeMlayezo Yokufundisa Ngokuvakasha ephathelene nomsebenzi woMsindisi.

Imibhalo ifundisa ukuthi singahlala ebukhoneni bukaNkulunkulu “ngezimfanelo, nesihawu kanye nomusa kaMesiya oNgcwele” (2 Nefi 2:8). *UMesiya* yi “gama lesi-Aramu kanye nesiHebheru elisho ukuthi ‘ogcotshiwe.’ . . . KwiThestamente eliSha uJesu ubizwa ngoKristu, okulinganiswa ngesiGriki nokuthi *Mesiya*. Kusho ukuthi ogcotshiweyo uMprofethi, umFundisi, iNkosi kanye noMkhululi.”¹

Igosa uJeffrey R. Holland wom-Gwamanda wabaPhostoli abayi-Shumi namBili wafakaza: Ngiyazi [uJesu Kristu] Unguye oNgcwele wakwalsrayeli, uMesiya ozobuya ngelinye ilanga eze ngodumo lokugcina, ezobusa emhlabeni njenge-Nkosi yamaKhosi. Ngiyazi ukuthi alikho elinye igama elinikezwe ngaphansi kwezulu elingasindisa indoda [noma umfazi].”²

“[UJesu Kristu] nguMsindisi kanye nomHlengi womhlaba,” kwasho

uMongameli Dieter F. Uchtdorf, iKhansela lesiBili kubuMongameli bokuQala. “Ngye uMesiya othenjisive. Waphila impilo elungle futhi wahlawulela izono zethu. Uzohlala eseduzane nathi. Uzosilwela izimpi zethu. Uyithemba lethu; Uyinsindiso yethu; Uyindlela.”³

Eminye imiBhalo eNgcwele

uJohane 1:38–41; 4:25–26, 40–42; 2 uNefi 6:13; 25:16–17

Kuvela emBhalweni eNgcwele

Abafundi besifazane bakaKristu babe ngabafakazi bendima Yakhe njengoMesiya. UMariya Magdeline wayengumfundu kaJesu Kristu. Wayengowokuqala ukubona “ilitshe lisusiwe ngaphambi kwethuna” ekuseni kwalolo Vuko lukaKristu. Yena “wama ngaphandle kwethuna ekhala” ngemva kokubona ukuthi umzimba Wakhe wawungasekho ethuneni.

Bese “wajika wabheka emuva, futhi wabona uJesu emile, kodwa azange azi ukuthi kwakunguJesu.”

“UJesu wathi kuye, Mfazi, ukhalelan? ufunu bani? Yena, ecabanga ukuthi ngumuntu onakekela ingadi, wathi kuye, Mnumzane, uma ngabe umsusile lapha, ngitshele ukuthi umbeke kuphi, futhi ngizomthatha ngihambe naye.

“UJesu wathi kuye, Mariya. Waphenduka, futhi wathi kuye, Rabboni; okusho ukuthi, Nkosi.” UMariya wabona ukuthi akusinguye umuntu onakekela ingadi kodwa kwakunguJesu Kristu, uMesiya. (Bona uJohane 20:1–17.)

AMANOTHI

1. Ukwalulekwa ngemiBhalo, “Mesiya”; scriptures.lds.org.
2. uJeffrey R. Holland, “Yena Yedwa uNkulunkulu weQiniso kanye nojesu Kristu loyo othunwe nguye,” *iLiyahona*, ngoNov. 2007, 42.
3. uDieter F. Uchtdorf, “Indlela Yomlandeli,” *iLiyahona*, uMeyi 2009, 78.

Cabanga Ngalokhu

Kubaluleke kangakanani ukuqonda indima yoMsindisi njengoMesiya?